

# «Rieischs'21» vign spusto segl 2023

Igl project digl Chor viril Surses «Rieischs'21» vign spusto per en ulteriour onn sen igl mars 2023. Las restricziuns da corona rendan impussebla ena planisaziun adequata per en project da tala grandezza. La FMR ò ruschano cun Rainer Held, dirigent digl Chor viril Surses e cunascheider dalla scena da chors davart la situaziun digls chors siva en onn e mez pandemia

MATIA DEMARMELS/FMR

Er cun las schluccadas annuntzgeidas digl Cunsegl federal igl mez da zarcladour 2021 resta per chors venavant en obligatori da purtar masca ni da garantir ena capacita da spazi da 10 meters quadrat per persunga durant provas an stanzas. Cun talas prescripziuns seigl betg pussebel da garantir ena planisaziun tgi duess dular igl project ambiziun «Rieschs'21» (varda box) anfignen alla fegn da favrer 2022 sen nivel da concert. Chegl scribeva igl Chor viril Surses ainten ena comunicaziun allas medias. I vigna vetiers ena malsiertad an connex cugl personal. Ins stoptega gl'amprem examinar las retschas an risguard qualitat e quantitat. An cass tgi fiss basignevel da furmar las vouchs u da recutar cantadours supplementars siva dalla pòssa, fiss igl taimp mengia curt persiva. Igl project «Rieischs» seia betg liia aigl taimp, scribeva igl Chor viril Surses anavant. Ins seia da bunga speranza, tg'igls participants ed igls sponsors vegian tgaipentscha per la spudata e sustignan venavant igl project.

Gl'è gio la sagond'eda tg'igl project sto neir spusto causa da corona. Igl davos onn e mez è betg sto simpel pigls chors an general. Chegl confirmescha er igl cunascheider dalla scena, *Rainer Held* (varda box), tgi dirigia igl Chor viril Surses. El ò raspundia allas dumondas dalla FMR.

**FMR:** *Tiers la pòssa da cantar an cunianza – tge ulteriouras consequenzas ò la pandemia gia segl cant?*

**Rainer Held:** *La pains tgi a blera gliout ogl «mantgea ensatge». Siva d'en onn e*



**Igls cantadours digl Chor viril Surses on da spitgier en ulteriour onn per saveir preschentar igl project «Rieischs'21»**

FOTO MAD/CHORVIRILSURSES.CH

mez ègl oz er pussebel da numnar tge tgi chegl è sto. Gl'è igl barat durant tg'ins s'exprima ansem a moda artistica e la cuminanza sociala digl cant tgi on mantgea u mantgan a blers.

An mia funcziun alla scol'ota vaia observo, tgi studentas e students tgi amprendan digl e cugl exaimpel, on gia fitg grev. Da liger ed elaborar en co-desch u an artetgel scientific è ensatge oter tgi da luvrar cun la vouch e d'aveir en resurving immediat. Da ramplazzar e cumpensar chegl via internet, p.ex. cun «zoom», è betg simpel.

**Tge experienschas vez Vous fatg cun provas via zoom e provas cun restricziuns?**

Las reacziuns sen las provas online èn stadadas differentas e betg ena schliaziun bagnneida tar tots. Da cantar cun masca ni a distanza è difficil gist ainten igl sector digls chor da laics. Chellas circumstanzas pon angular igl plascheir, cuncheigl tgi i mantga igl aspect social. la va ruschano cun cantadours/as tgi eran malcuntaints/as cugls effects da talas provas. Otras persungas eran ledas da gio aglman vaser igls concantadours e las concantadours. Ensatge tgi tottas e tots on pero teger alla fegn digls chints, è tgi la tecnica actuala na seia betg bunga da ramplazzar igl cant an cuminanza. Chegl deia, savond tgi blers chors, ensembles e musicas ambiziunadas on tschamnia chella varianta cun lavor supplementara ed angaschamaint

## «Rieischs'21» – en project cun 100 participants

Igl project «Rieischs'21» è egn da chels gronds projects digl Chor viril Surses tgi vignan manos tras mintga 7 u 8 onns gio siva da quatter decennis. (p.ex. igl 1992 igl oratori «Taimp e perpetnadad» u igl 2013 igl «Requiem» da Franz Litz).

La part principala furma l'ovra «Rieischs surmiranas», scretga aposte per chel project. La composiziun per orchester, chor viril e solo da bass sa basa a set canzungs tradiziunales ed a treis cumposiziuns contemporanas da musicists giovens. Davantor vignan preschentadas ovras canticas digl nord dall'Europa. Las datas novas pigl project «Rieischs» èn las suandontas: 11 da mars 2023 Ufferholz Savognin; 17 da mars 2023 an baselgia da S. Martegn Coira; 19 da mars 2023 an baselgia franzosa Berna.

per betg star salda e per uscheia saveir tginer igls commembers.

**Sa lascha gio deir ensatge perturgont las consequenzas dalla pandemia segl domber da commembers digls chors?**

Ena studia dall'universitad Eichstätt-Ingolstadt cun radond 4400 chors dalla Terra Tudestga, dall'Austria e dalla Svizzera, tg'igls chors piteschan sto la pandemia d'ena moda e maniera tgi fò chitos. Surtot igl sector da chors d'unfants e juvenils. An general tema, tgi la cultura da laics agl sector da musicas e chors,



**Rainer Held**

Rainer Held da Landquart veiva aint igl cantun Luzern. El è professor e mander dalla partiziun musica alla scol'ota pedagogica Luzern. Gio da gioven anse dirigia el chors da laics e chors professionals. Siva digl 2015 dirigia Rainer Held igl Chor viril Surses.

vigna a duvrar taimp per puspe cuntanscher las circumstanzas scu avant corona. I cuzzaro dei anfignen tgi la rutina da provas e concerts saro stabilisada.

**E specificamaintg pigl Chor viril Surses?**

Er tgi Chor viril Surses stuainsa examinar las reias igl aton 2021 e vurdar scu tgi tunga. Nuvn gavg actualmaintg cunaschientscha da treis sorteidas causa vigliadetna ni sanadad e da dus commembers novs. Chegl corresponda alla norma ed ans fò speranza.